

Dana 10.XII 1966.godine u Sarajevu održan je Plenum Saveza GIG-a SR BiH sa slijedećim dnevnim redom:

- 1) Uloga društva GIG-a u sadašnjim uslovima,
- 2) Položaj geodetske struke u novim privrednim uslovima,
- 3) Aktiviranje šireg članstva u radu Društva
- 4) Finansijski problemi i pokretanje jednog lista Saveza GIG-a i
- 5) Razno.

Na ovaj Plenum pored Republičkog odbora Saveza i predstavnika podružnica s obzirom na značaj dnevnog reda pozvan je veći broj drugova iz unutrašnjosti i Sarajeva. Materijalni problemi društva nisu nam dozvolili da mi snosimo troškove dolaska, te su došli samo oni drugovi koji su dolazak povezali s nekim službenim poslom ili im je radna organizacija odobrila sredstva za prisustvovanje tom Plenumu.

S obzirom na ovu okolnost možemo biti zadovoljni s 30 prisutnih kolega na plenarnoj sjednici od kojih je 8 bilo iz unutrašnjosti i to drugovi iz Tuzle, Banja Luke, Mostara, Travnika i Bijeljine. Nažalost nisu došli drugovi iz Zenice, Doboja, Bihaca i nekih drugih mjesta kojima smo takodje poslali pozive, pa zbog toga ne možemo reći da su na Plenumu bili prisutni drugovi sa čitavog područja Republike pa je zbog toga i uspjeh Plenuma djelimično umanjnjen.

Na Plenumu je vladala prava radna atmosfera koja je potvrdila potrebu održavanja ovog sastanka, i interes članstva za oživljavanje rada naših podružnica i za razmjenu mišljenja po mnogim problemima naše struke. Ovo najbolje ilustruje činjenica da su u diskusiji učestvovali svi prisutni drugovi.

Plenum je pokazao da su se u našoj struci nagomilala mnoga pitanja, koja nisu mogla u okviru postavljenog dnevnog reda i za vrijeme od 5 sati - koliko je sastanak trajao, biti izdiskutovana. U diskusiji su ipak istaknuti glavni problemi, te bi se kao rezime toga sastanka mogli izvući slijedeći zaključci u kome bi se pravcu trebalo da kreće aktivnost našeg društva u narednom periodu:

Mišljenje Plenuma je da treba primjeniti takve organizacione forme koje će najbolje aktivirati što veći broj naših kolega i koje će najbolje odgovarati pojedinim sredinama.

- Zadužuje se Podružnica GIG-a u Mostaru da izvrši aktiviranje članstva na području Hercegovine,
- Zadužuje se Podružnica GIG-a iz Banja Luke da izvrši aktiviranje članstva na području Bosanske Krajine,

- Zadužuju se prisutni drugovi iz Tuzle, Travnika i Bijeljine da pokrenu rad Podružnica GIG-a na svojim teritorijama,
- Zadužuje se podružnica GIG-a iz Sarajeva da aktivira kolege iz obližnjih mjesta koja gravitiraju Sarajevu.

II

Rad Podružnica treba da poréd ostalog obuhvata slijedeće:

- Pitanja od staleškog interesa i zaštite istih,
- Stručno informisanje i uzdizanje članstva,
- Razvijanje drugarskih odnosa kroz organizaciju zabavnog života,
- Pomoć u rješavanju izvjesnih socijalnih problema naših članova,
- Razvijanje što tješnje saradnje kako sa našim Savezom tako i sa društvima drugih struka,
- Organizaciju stručnih ekskurzija,
- Pitanje pretplate na "Geodetski list" i "Geodetski godišnjak" - o kojoj ovisi izlaženje ovih naših i te kako važnih stručnih informacija čije bi gašenje značilo ogroman gubitak kako za reprezentaciju naše struke u našoj zemlji tako i van nje,
- Pitanja organizacije Geodetske službe u komuni,
- I sva druga pitanja koja su od interesa za Geodetsku struku.

III

Usvajanje planova premjera za period do 1970.godine od strane Savezne skupštine i Skupštine SR BiH postavlja našu struku u sasvim nov položaj.

Medjutim, taj za nas povoljan položaj znači i veliku obavezu u kojoj i naše Društvo treba da da svoj puni udio na pružanju zajednici adekvatne protuvrijednosti i da se ova prilika iskoristi i za izvjesnu afirmaciju struke.

IV

S obzirom da se već niz godina osjeća nedovoljna saradnja između Saveza i Podružnica to se Plenum saglasio s odlukom Saveza o izdavanju lista koji bi služio ne samo da informiše naše Podružnice već

i naše članstvo širom naše Republike i da otvori mogućnosti saradnje svih naših članova. List treba u buduće da bude sredstvo preko kojeg će se članstvo pokretati na pojedine akcije koje su od vitalnog interesa za našu struku.

V

Danas je nemoguće zamisliti da jedna tehnička struka kao naša nema svoje mjesečne odnosno godišnje listove ili neke druge informacije. Zbog toga je Plenum bio jednoglasan da treba pozvati sve naše članstvo i ustanove da se pretplate na Geodetski godišnjak i Geodetski list kako bi time stvorili materijalnu podlogu za njihovo nesmetano izlaženje.

VI

Da bi se obezbjedila veća aktivnost Saveza potrebna su izvjesna materijalna sredstva pa se članstvo poziva da se založi kod svojih radnih organizacija za izvjesnu pomoć Savezu.

Pitanje članarine kao i pitanje pretplate na geodetske publikacije raspravljajuće naredna skupština Saveza, te Podružnice treba da po tim pitanjima donesu svoj stav.

S obzirom na relativno kratko vrijeme rada Plenuma, mnoga pitanja kao što su reorganizacija geodetske službe u komuni, pitanja obrazovanja geodetskog kadra, pitanje kolektivne članarine i dr. su svakako pitanja o kojima naše društvo treba da vodi veću brigu i na godišnjoj skupštini Saveza zauzme određene stavove.

PREDSJEDNIK SAVEZA,

Ing. V. Lukić